

白氏長慶集

欽定四庫全書薈要

吉林出版集團有限責任公司
海 天 出 版 社

吉林出版集團有限責任公司
海 天 出 版 社

欽定四庫全書薈要

集部
別集類

目次

書名	卷次	頁次	作者
白氏長慶集	卷一—卷四七		唐・白居易撰
卷首		三六四—一	
卷一		三六四—四	
諷喻一			
卷二		三六四—一八	
諷喻二			
卷三		三六四—三四	
諷喻三			
卷四		三六四—四三	
諷喻四			
卷五		三六四—五二	
閑適一			
卷六		三六四—六四	
閑適二			
卷七		三六四—七五	

書名	卷次	頁次	作者
閑適三		三六四—八四	
卷八		三六四—八四	
閑適四		三六四—九五	
卷九		三六四—九五	
感傷一		三六四—一〇四	
卷一〇		三六四—一〇四	
感傷二		三六四—一一六	
卷一一		三六四—一一六	
感傷三		三六四—一二七	
卷一二		三六四—一二七	
感傷四		三六四—一三九	
卷一三		三六四—一三九	
律詩		三六四—一五三	
卷一四		三六四—一五三	
律詩		三六四—一六五	
卷一五		三六四—一六五	
律詩		三六四—一八〇	
卷一六		三六四—一八〇	

書名	卷次	頁次	作者
律詩		三六四—一九三	
卷一七 律詩		三六四—二〇八	
卷一八 律詩		三六四—二一九	
卷一九 律詩		三六四—二三二	
卷二〇 律詩		三六四—二四四	
卷二一 后序		三六四—二五七	
卷二二 格律雜體		三六四—二七〇	
卷二三 律詩		三六四—二八四	
卷二四 律詩		三六四—二九七	
卷二五			

書名	卷次	頁次	作者
律詩	卷二六	三六四—三一〇	
律詩	卷二七	三六四—三二二	
律詩	卷二八	三六四—三三三	
律詩	卷二九	三六四—三四五	
格詩	卷三〇	三六四—三五六	
格詩	卷三一	三六四—三六五	
律詩	卷三二	三六四—三七八	
律詩	卷三三	三六四—三八八	
律詩	卷三四	三六四—四〇二	

書

名

卷

次

頁

次

作

者

律詩

卷三五

律詩

卷三六

半格詩

卷三七

律詩

卷三八

詩賦

卷三九

銘 贊 箴 譜 偈

卷四〇

哀祭文

卷四一

碑碣

卷四二

墓誌銘

卷四三

三六四—四一三

三六四—四二七

三六四—四四二

三六四—四五二

三六四—四六二

三六四—四六七

三六四—四七五

三六四—四八四

三六四—四九一

書名	卷次	頁次	作者
記序 卷四四 書 卷四五 書序 卷四六 書頌 議論 狀 卷四七 試策問 製誥		三六四—四九九 三六四—五〇九 三六四—五一九 三六四—五二六	

欽定四庫全書薈要

集部
白氏長慶集卷二

臣王杰詳校
詳校官助教臣常循

御製讀白居易詩

人咸謂香山之詩傷於易不知其易處正難及也

偶讀其集題此



難曾聞白樂天漫將率易議前賢但從性地中流出
風雲總道詮

乾隆甲子仲冬月

右謹依

御製詩初集恭錄

欽定四庫全書

白氏長慶集
御製詩

欽定四庫全書薈要

白氏長慶集

提要

臣等謹案白氏長慶集七十一卷唐白居易撰居易爵里事蹟具唐書本傳案錢曾讀書敏求記稱所見宋刻居易集兩本皆題為白氏文集不名長慶集汪立名校刻香山詩集亦謂寶曆以後之詩不應槩題曰長慶今考

欽定四庫全書

白氏長慶集
提要

居易嘗自寫其集分置僧寺皆題曰白氏文集開成五年置於香山寺者則別題曰洛中集惟長慶四年元稹作白氏長慶集序稱盡徵其文手自排纂成五十卷二千一百九十一首又稱明年當改元長慶訖於是因號曰白氏長慶集則長慶一集特穆宗甲辰以前之作曾及立名所辨不為無據然唐志載白氏長慶集七十五卷宋志亦載白氏長慶集

白氏長慶集 二

七十一卷而白氏文集之名轉不著錄又宋人目錄傳於今者晁公武讀書志尤表遂初堂書目陳振孫書錄解題亦均作白氏長慶集則謂宋刻必作白氏文集亦未盡然也乾隆四十二年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

白氏長慶集
提要

二

白氏長慶集原序

白氏長慶集者太原人白居易之所作居易字樂天樂

天始言試指之無二字能不誤

具樂天與子書

始既言讀書勤

敏與他兒異五六歲識聲韻十五志詩賦二十七舉進

士貞元末進士尚馳競不尚文就中六籍尤擯落禮部

侍郎高郢始用經藝為進退樂天一舉擢上第明年拔

萃甲科由是性習相近遠求玄珠斬白蛇等賦及百道

判新進士競相傳於京師矣會憲宗皇帝冊召天下士

欽定四庫全書

白氏長慶集原序

樂天對詔稱旨又登甲科未幾入翰林掌制誥比比上

書言得失因為賀雨秦中吟等數十章指言天下事時

人比之風騷焉予始與樂天同校秘書之名多以詩章

相贈答會予謫掾江陵樂天猶在翰林寄予百韻律詩

及雜體前後數十章是後各佐江通復相訓寄巴蜀江

楚間泊長安中少年遞相倣倣競作新詞自謂為元和

詩而樂天秦中吟賀雨諷諭等篇時人罕能知者然而

二十年間禁省觀寺郵候墻壁之上無不書王公妾婦

牛童馬走之口無不道至於繕寫模勒街賣於市井或

持之以交酒茗者處處皆是

揚越間多作書模勒樂天及子雜詩賣於市肆之中

也其甚者有至於盜竊名姓苟求自售離亂間則無可

奈何予於平水市中

鏡湖傍草市名

見村校諸童競習詩召而

問之皆對曰先生教我樂天微之詩固亦不知予之為

微之也又云雞林賈人求市頗切自云本國宰相每以

百金換一篇其甚偽者宰相輒能辨別之自篇章已來

未有如是流傳之廣者長慶四年樂天自杭州刺史以

欽定四庫全書

白氏長慶集原序

右庶子詔還予時刺會稽因得盡徵其文手自排綴成

五十卷凡二千一百九十一首前輩多以前集中集為

名予以為陛下明年秋當改元長慶訖於是因號曰白

氏長慶集大凡人之文各有所長樂天之長可以為多

矣夫以諷諭之詩長於激聞適之詩長於遣感傷之詩

長於切五字律詩百言而上長於瞻五字七字百言而

下長於情賦贊箴戒之類長於當碑記叙事制誥長於

實啟表奏狀長於直書檄詞策劄判長於盡總而言之

不亦多乎哉至於樂天之官族景行與予之交分淺深
非叙文之要也故不書長慶四年冬十二月十日微之

序

欽定四庫全書

白氏長慶集
原序

三

欽定四庫全書舊要卷一萬三千九百三十一集部

白氏長慶集卷一

唐 白居易 撰

諷諭一 古調詩五言凡六十五首

賀雨

皇帝嗣寶厯元和三年冬自冬及春暮不雨旱熾熾

持切

上心念下民懼歲成災凶遂下罪已詔殷勤制萬邦

帝曰予一人繼天承祖宗憂勤不遑寧夙夜心忡忡元

欽定四庫全書

白氏長慶集
卷一

二

年誅劉闢一舉靖巴邛二年戮李錡不戰安江東顧惟

眇眇德遽有巍巍功或者天降沴無乃儆予躬上思答

天戒下思致時邕莫如率其身慈和與儉恭乃命罷進

獻乃命賑饑窮宥死降五刑責已寬三農宮女出宣徽

廐馬減飛龍庶政靡不舉皆由自宸衷奔騰道路人偃

屨田野翁歡呼相告報感泣涕沾胃順人人心悅先天

天意從詔下纔七日和氣生冲融凝為悠悠雲散作習

習風晝夜三日雨淒淒復濛濛萬心春熙熙百穀青芄

凡^{蒲紅切}人變愁為喜歲易儉為豐乃知王者心憂樂與

衆同皇天與后土所感無不通冠珮何鏘鏘將相及王公蹈舞呼萬歲列賀明庭中小臣誠愚陋職忝金鑾宮稽首再三拜一言獻天聰君以明為聖臣以直為忠敢賀有其始亦願有其終

讀張籍古樂府

張君何為者業文三十春尤工樂府詩舉代少其倫為詩意如何六義互鋪陳風雅比興外未嘗著空文讀君

欽定四庫全書

白氏長慶集

二

學仙詩可諷放佚君讀君董公詩可誨貪暴臣讀君商女詩可感悍婦仁讀君勤齋詩可勸薄夫敦上可裨教化舒之濟萬民下可理情性卷之善一身始從青衿歲迨此白髮新日夜秉筆吟心苦力亦勤時無采詩官委棄如泥塵恐君百歲後減沒人不聞願藏中秘書百代不湮淪願播內樂府時得聞至尊言者志之苗行者文之根所以讀君詩亦知君為人如何欲五十官小身賤貧病眼街西住無人行到門

哭孔戡

洛陽誰不死戡死聞長安我是知戡者聞之涕泣然戡佐山東軍非義不可干拂衣向西來其道直如絃從事得如此人人以為難人言明明代合置在朝端或望居諫司有事戡必言或望居憲府有邪戡必彈惜哉兩不諧沒齒為閒官竟不得一日寒寒立君前形骸隨衆心斂墓北邙山平生剛腸內直氣歸其間^{居顏切}賢者為生民生死懸在天謂天不愛人胡為生其賢謂天果愛民胡為奪其年茫茫元化中誰執如此權

欽定四庫全書

白氏長慶集

三

凶宅

長安多大宅列在街西東往往朱門內房廊相對空泉鳴松桂枝狐藏蘭菊叢蒼苔黃葉地日暮多旋風前王為將相得罪竄巴庸後主為公卿寢疾歿其中連延四五主殃禍繼相鍾自從十年來不利主人翁風雨壞簷隙蛇鼠穿墻墉人疑不敢買日毀土木功嗟嗟俗人心甚矣其愚蒙但恐災將至不思禍所從我今題此詩欲

悟迷者曾凡為大官人年祿多崇高權重持難久位高
勢易窮驕者物之盈老者數之終四者如寇盜日夜來
相攻假使居吉土孰能保其躬因小以明大借家可諭
邦叶通蒙切周秦宅峭函其宅非不同一興八百年一死望
夷宮寄語家與國人凶非宅凶

夢仙

人有夢仙者夢身升上清坐乘一白鶴前引雙紅旌羽
衣忽飄飄玉鸞俄錚錚半空直下視人世塵冥冥漸失

欽定四庫全書

白氏長慶集

四

鄉國處纔分山水形東海一片白列岳五點青須臾羣
仙來相引朝玉京安期羨門輩列侍如公卿仰謁玉皇
帝稽首前致誠帝言汝仙才努力勿自輕却後十五年
期汝不死庭再拜受斯言既寤喜且驚秘之不敢泄誓
志居巖局涓營切恩愛捨骨肉飲食斷羶腥朝餐雲母散
夜吸沆何黨切溼莫介切精空山三十載日望輜輶迎前期
過已久鸞鶴無來聲齒髮日衰白耳目減聰明一朝同
物化身與冀壤并神仙信有之俗力非可營苟無金骨

相不列丹臺名徒傳辟穀法虛受燒丹經只自取勤苦
百年終不成悲哉夢仙人一夢誤一生

觀刈麥

時為熱厓縣尉
熱音周厓音質

田家少閒月五月人倍忙夜來南風起小麥覆隴黃婦
姑荷簞食童稚攜壺漿相隨餉田去丁壯在南岡足蒸
暑土氣背灼炎天光力盡不知熱但惜夏日長復有貧
婦人抱子在其傍右手秉遺穗左臂懸弊筐聽其相顧

欽定四庫全書

白氏長慶集

五

言聞者為悲傷家田輸稅盡拾此充饑腸今我何功德
曾不事農桑吏祿三百石歲晏有餘糧念此私自愧盡
日不能忘

題海圖屏風

元和已
丑年作

海水無風時波濤安悠悠鱗介無小大遂性各沉浮突
兀海底鼇首冠三神丘釣網不能制其來非一秋或者
不量力謂茲鼇可求旁謎切鼇與計切屬與計切牽不動綸絕沉其
鉤一鼇既頓領諸鼇齊掉頭白濤與黑浪呼吸繞咽喉
噴風激飛廉鼓波怒陽侯鯨鯢得其便張口欲吞舟萬

里無活鱗百川多倒流遂使江漢水朝宗意亦休蒼然
屏風上此畫良有由

羸駿

驂騑失其主羸餓無人牧向風嘶一聲莽蒼黃河曲蹋
冰水畔立卧雪塚間宿歲暮田野空寒草不滿腹豈無
市駿者盡是凡人目相馮失於瘦遂遺千里足村中何
擾擾有吏徵芻粟淪彼軍廩中化作駑駘肉

廢琴

欽定四庫全書
白氏長慶集
卷一
絲桐合為琴中有太古聲古聲淡無味不稱今日情玉
徽光彩滅朱絃塵土生廢棄來已久遺音尚泠泠不辭
為君彈縱彈人不聽何物使之然羌笛與秦箏

李都尉古劍

古劍寒黯黯鑄來幾千秋白光納日月紫氣排斗牛有
客借一觀愛之不敢求湛然玉匣中秋水澄不流至寶
有本性精剛無與儔可使寸寸折不能繞指柔願快直
士心將斷佞臣頭不願報小怨夜半刺私讐勸君慎所

用無作神兵羞

雲居寺孤桐

一株青玉立千葉綠雲委亭亭五丈餘高意猶未已山
僧年九十清淨老不死自云手種時一顆苦果青桐子
直從萌芽拔高自毫末始四面無附枝中心有通理寄
言立身者孤直當如此

京兆府新栽蓮

時為藍田縣尉赴府作

欽定四庫全書
白氏長慶集
卷一
污溝貯濁水水上葉田田我來一長歎知是東溪蓮下
有清泥污馨香無復全上有紅塵撲顏色不得鮮物性
猶如此人事亦宜然託根非其所不如遭棄捐干權切昔
在溪中日花葉媚清漣今來不得地音煩顯音煩府門前

月夜登閣避暑

暑久炎氣甚中人若燔燒清風隱何處草樹不動搖何
以避暑氣無如出塵囂行行都門外佛閣正岩堯清涼
近高生煩熱委靜銷開襟當軒坐神泰意飄飄迴看歸
路傍禾黍盡枯焦獨善誠有計將何救旱苗

初授拾遺

奉詔登左掖束帶參朝議何言初命卑且脫風塵吏杜
甫陳子昂才名括天地當時非不遇尚無過斯位況予
褻薄者寵至不自意驚近白日光慙非青雲器天子方
從諫朝廷無忌諱豈不思匪躬適遇時無事受命已旬
月飽食隨班次諫紙忽盈箱對之終自愧

贈元稹

自我從宦遊七年在長安所得惟元君乃知定交難豈

欽定四庫全書

白氏長慶集
卷一

八

無山上苗徑寸無歲寒豈無要津水咫尺無波瀾之子

異於是久處誓不謾

音

無波古井水有節秋竹竿一為

同心友三及芳歲闌花下鞍馬遊雪中杯酒歡衡門相
逢迎不具帶與冠春風日高睡秋月夜深看不為同登
科不為同署官所合在方寸心源無異端

哭劉敦質

小樹兩株栢新土三尺墳蒼蒼白露草此地哭劉君哭
君豈無辭辭云君子人如何天不弔窮悴至終身愚者

多貴壽賢者獨賤述龍亢彼無悔螻屈此不伸哭罷持
此辭吾將詰義文

答友問

大圭廉不割利劍用不缺當其斬馬時良玉不如鐵置
鐵在洪爐鐵消易如雪良玉同其中三日燒不熟君疑
才與德詠此知優劣

雜興三首

楚王多內寵傾國選嬪妃又愛從禽樂馳騁每相隨錦

欽定四庫全書

白氏長慶集
卷一

九

鐫哥羅切

臂花隼羅袂控金羈遂習宮中女皆如馬上兒

色禽合為荒刑政兩已衰

思誰切

雲夢春仍獵章華夜不

歸東風二月天春鴈正離離美人挾銀鐫一發疊雙飛
飛鴻驚斷行斂翅避蛾眉君王顧之笑弓箭生光輝迴
眸語君曰昔聞莊王時有一愚夫人其名曰樊姬不有
此遊樂三載斷鮮肥

越國政初荒越天旱不已風日燥水田水涸塵飛起國
中新下令官渠禁流水流水不入田墜入王宮裏餘波

養魚鳥倒影浮樓雉澹灩九折池縈迴十餘里四月菱荷發越王日遊嬉左右好風來香動芙蓉藥但愛芙蓉香又種芙蓉子不念閭門外千里稻苗死

吳王心日侈服玩盡奇瓌音回又姑回切身卧翠羽帳手持紅

玉杯冠垂明月珠帶東通天犀行動自矜顧數步一徘徊

小人知所好懷寶四方來奸邪得藉手從此偉門開

古稱國之寶穀米與賢才今看君王眼視之如塵灰伍

員諫已死浮屍去不迴姑蘇臺下草麋鹿闔生麕

欽定四庫全書

白氏長慶集

宿紫閣山北村

晨遊紫閣峯暮宿山下村村老見予喜為予開一樽舉杯未及飲暴卒來入門紫衣挾刀斧草草十餘人奪我席上酒掣我盤中飧主人退後立斂手反如賓中庭有奇樹種來三十春主人惜不得持斧斷其根口稱采造家身屬神策軍主人慎勿語中尉正承恩

讀漢書

禾黍與稂莠雨來同日滋桃李與荆棘霜降同夜萎草

木既區別榮枯那等夷茫茫天地意無乃太無私小人与君子用置各有宜奈何西漢末忠邪並信之不然盡信忠早絕邪臣窺不然盡信邪早使忠臣知優將兩不斷盛業日已衰痛矣蕭京輩終令陷禍機蕭望之京房等每讀元成紀憤憤令人悲寄言為國者不得學天時寄言為臣者可以鑒於斯

贈樊著作

欽定四庫全書

白氏長慶集

陽城為諫議以正事其君其手如屈軼舉必指佞臣卒使不仁者不得秉國鈞元稹為御史以直立其身其心如肺石動必達窮民東川八十家冤憤一言伸劉闢肆亂心殺人正紛紛其嫂曰庾氏棄絕不為親從史萌逆節隱心潛負恩其佐曰孔戡捨去不為賓凡此士與女其道天下聞常恐國史上但記鳳與麟賢者不為名名彰教乃敦每惜若人輩身死名亦淪君為著作郎職廢志空存雖有良史才直筆無所申何不自著書實錄彼善人編為一代言以備史闕文